

## Universal Declaration of Human Rights - Aromanian

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

---

### DECLARATSIA UNIVERSALĂ TI-NDREPTURLI-A OMLUI

#### ZBOR NĂINTI

Ti-atsea câ pricâushtearea-a nâmuziljei nativâ shi-ndrepturli egali shi nealienabili-a tutâlor membrilji-a taifâljei a omlui easti fimelju-a li-bertatiljei, a-ndriptatiuljei shi-a irinjljei din lumi,

Ti-atsea câ nitinjisearea shi atimusearea-a-andrepturlor a omlui dutsea la comportâri barbari cari u prusvulisea sinidisea-a uminitatiljei, sh-ti-atsea câ adrariljei lumi tu cari iatsâli umineshtsâ va s-hârseascâ di libertatea di zbor shi pisti shi va s-hibâ liberi di firca shi urfanjea easti proclamatâ ti nai ma analtul ideal a cafi unlui om,

Ti-atsea câ important easti câ-ndrepturli-a omlui s-hibâ afiriti cu sistemlu juridic câ s-nu hibâ omlu pîmtu pi-atsea ta s-mutâ contra-a tiraniiljei shi tirinsearea,

Ti-atsea câ important easti câ sâ-lji si da indati developarea-a relatsiilor di uspitsâlji anamisa di miletsli,

Ti-atsea câ miletsli-a Natsiunilor Uniti cu Harta nica nâ oarâ u confirmarâ pistusinea-a lor la-ndrepturli fundamentali-a omlui, la nâmuzea shi valoarea-a personalitatiljei umineascâ shi egalitatea-a bârbatlui shi-a muljeariljei shi ti-atsea câ apufâsirâ câ sâ-lji indati-a developariljei sotsialâ shi s-li amelioreadzâ conditsiili ti banâ tu ma marea libertati,

Ti-atsea câ statili membri u loarâ obligatsia tu colaborari cu Natsiunili Uniti s-u asigurâ tinjisearea ghenerealâ shi aplicarea-a-ndrepturlor a omlu shi libertâtsli fundamentali,

Ti-atsea câ acâchisearea ghenerealâ-a lushtor ândrepturi shi libertâts easti di nai ma marea importantsâ ti-ntreaga realizari-a lishteii obligatsii,

#### Adunarea ghenerealâ

Uproclameadzâ aestâ Declaratsii Universalâ ti-ndrepturli-a omlui ca un standard comun cari lipseashti s-lu-agiungâ tuti miletsli shi tuti natsiili cu tsi cafi unâ individuâ shi cafi un organ a sotsietatiljei, cara va u-aibâ dipriunâ ân videari aestâ Declaratsii, va shi-u aibâ tendintsa câ prin ânvitsarea shi educatsia s-aducâ la tinjisearea-a lushtor ândrepturi shi libertâts shi cu metrili progresivi natsionali shi internatsionali s-hibâ asigurâtâ pricâushtearea shi tinjisearea-a lor ghenerealâ sh-di dealihealui cum anamisa di miletsli-a singurilor statii membri, ashi shi anamisa di miletsli-a tsilor teritorii cari suntu sum administrarea-a lor.

#### Articulul 1

Tuti iatsâli umineshtsâ s-fac liberi shi egali la nâmuzea shi-ndrepturli. Eali suntu hârziti cu fichiri shi sinidisi shi lipseashti un cu alantu sh-si poartâ tu duhlu-a frâtsâljiljei.

#### Articulul 2

Tuti-ndrepturli shi libertâtsli dit aestâ Declaratsii âlji pricad a cafi unlui însu independent di rasa, bâteaua-a chealiljei, sexul, limba, pistea, minduearea politicâ icâ altâ, orighina natsionalâ shi sotsialâ, starea di aveari, fatsirea icâ cari tsi s-hibâ alti conditsii.

[Missing 2nd paragraph]

#### Articulul 3

Cafi un ari-ndreptul ti banâ, libertati shi sigurantsa-a personalitatiljei.

#### Articulul 4

Canâ nu poati s-hibâ tsânut tu sclâvilji icâ supuniri: sclâviljea shi comertslu cu sclavi s-azâptâseashti tu tuti formili.

#### Articulul 5

Canâ nu lipseashti s-hibâ loat la pidipseari icâ la comportari ninjilâoasâ, niumineascâ shi-arshionasâ icâ la ghizai.

#### Articulul 6

Cafi un ari-ndreptu pisti tut s-hibâ pricânâscut ca un subiectu juridic.

#### Articulul 7

Tuts suntu egalji dininti-a nomlui shi au ândreptu, fârâ canâ soi di discriminari, la egala apurari-a nomlui.

#### Articulul 8

Cafi un ari-ndreptu câ tribunalili natsionali efectiv s-lu-apurâ di frândzearea-a-ndrepturilor fundamentali cari lj-suntu pricânâscuti cu constitutsia shi nomurli.

#### Articulul 9

Canâ nu poati dupâ vrearea-a vârnului s-hibâ âncljis, detsânut, niti avinat.

#### Articulul 10

Cafi un ari-ndreptul egal didip la giudicarea-ndreaptâ shi publicâ dininti-a tribunalui independent shi obiectiv cari va s-detsidâ ti-ndrepturli-a lui shi obligatsiili sh-ti orighina-a cafi unlu act criminal tsi-lji si arucâ-a lui.

#### Articulul 11

1. Cafi un acuzat ti act criminal ari-ndreptur s-hibâ lugurist câ nu-i câbati pânâ tsi pi bazaa nomlui, câbatea nu s-confirmâ la un protses public la cari lj-suntu asigurati tuti garantsii lipsiti ti apurarea-a lui.

2. Canâ nu poati s-hibâ giudicat ti acti icâ omisiunji cari nu fac act criminal dupâ-ndreptul natsional icâ internatsional tu chirolu cându suntu fapti. Tut ashi nu poati s-hibâ curmatâ ma greauâ ghizai di atsea cari putea s-hibâ aplicatâ tu chirolu cându-i faptu actlu criminal.

#### Articulul 12

Canâ nu poati s-hibâ dupâ vrearea-a altului loat la minteari tu bana-lji particularâ, taifa, casa icâ correspondentsia nitsi la agudeari pi tinjia shi nâmuzea. Cafi un ari-ndreptu la apurari di nomlu contra-a ahtariljei minteari icâ agudeari.

#### Articulul 13

1. Cafi un ari-ndreptul la libertati di minari shi alidzeari-a loclui ti mincheani tu sinurli-a unlu stat.

2. Cafi un ari-ndreptul s-fugâ dit cari tsi s-hibâ stat, inclusiv shi-a lui, shi sh-si toarnâ tu statlu-a lui.

#### Articulul 14

1. Cafî un di avinatslji ari-ndreptul s-caftâ shi sh-si hârseascâ di azil tu altili statî.
2. La-ndreptul aestu canâ nu poati s-apeleadzâ tu cazlu cându avinarea easti bazatâ pi un act criminal di naturâ nipoliticâ icâ protsedurâ contra-a scopurlor shi printsipiilor a Natsiunilor Uniti.

#### Articulul 15

1. Cafî un ari-ndreptul la unâ tsitâtsenii.
2. Canâ nu poati dupâ vrearea-a altului s-hibâ alâsat fârâ tsitâtsenii nitsi fârâ di-ndreptul câ s-u alâxeascâ tsitâtsenia.

#### Articulul 16

1. Bârbatslji majori shi muljeri fârâ canâ soi di limitâri di punctul di rasa, tsitâtsenia icâ pisti, au ândreptul s-intrâ tu cârunâ shi s-facâ taifâ. Elji suntu egalji la intrarea tu cârunâ, tut chirolu pânâ dutsi câruna shi la aspârdzearea-a ljei.
2. Câruna poati s-facâ cu libera shi completa câilâchi-a inshilor cari intrâ tu cârunâ.
3. Taifa easti nucleulu natural shi fundamental a sotsietatiljei shi ari-ndreptul la afireari di partea-a sotsietatiljei shi-a statlui.

#### Articulul 17

1. Cafî un ari-ndreptu s-aibâ aveari, singur, ma sh-deadun cu altsâ.
2. Canâ nu poati dupâ vrearea-a altului s-hibâ alâsat fârâ di aveari.

#### Articulul 18

Cafî un ari-ndreptul la libertatea-a mindueariljei, a sinidisiljei shi-a pistiljei; ândreptul aestu u includi shi alâxearea-a pistiljei shi-a câdiiljei shi libertatea câ omlu singur icâ-n comunitati cu altsâlji, public icâ particular shi-u manifesteadzâ pista icâ câidiea pi calea di-nvitsâturâ, practicari-a pistiljei shi sh-li facâ arâdzli.

#### Articulul 19

Cafî un ari-ndreptu la libertatea sh-mindueascâ shi s-exprimâ, tsi luacatsâ shi-ndreptul s-nu hibâ cârtit ti minduearea-lji, ma sh-ndriptatea câ s-caftâ, s-aproachi shi s-tindâ informatsii shi idei cu cari tsi s-hibâ instrumenti shi independent di sinurli.

#### Articulul 20

1. Cafî un ari-ndreptu shi libertatea la fronima adunari shi uneari.
2. Canâ nu poati s-hibâ pimtu zorlea s-pricadâ la vârâ asotsiatsii.

#### Articulul 21

1. Cafî un ari-ndreptu s-ljea parti la condutsirea cu lucrî publitsi tu statlu-a lui, direct icâ prin liber aleptsâljei reprezentantsâ.
2. Cafî un ari-ndreptu pi baza egalâ s-intrâ tu slujbâ publicâ tu statlu-a lui.
3. Vrearea-a miletljei easti baza-a puteariljei a statlui; vrearea aestâ lipseashti s-hibâ spusâ la alidzerli perioditsi shi liberi cari va s-facâ cu-ndreptul ghenereal shi egal la votari, cu votarea secretâ icâ unâ protsedurâ adecvatâ cari u-asigurâ libertatea-a votariljei.

## Articulul 22

Cafi un, ca membru-a sotsietatildei, ari-ndreptu la asigurarea sotsiala shi-ndreptul sh-realizeadzandrepturi economitsi, sotsiali shi culturali lipsiti la namuzea-a lui sh-ti libera developari-a personalitatildei a lui, cu agiutolu-a statlui shi-a colaborarildei internatsionala, shi conform cu organizatsia shi institutsiili-a statlui a lui.

## Articulul 23

1. Cafu un ari-ndreptu lu lu, la libera alidzeari la intrarea tu lu, la-ndreapti shi buni conditsii ti lucri shi la apurarea di nilucri.
2. Cafu un, fara cana alidzeari, ari-ndreptu la plata egalatidivul lu.
3. Cafu un cari lucreadzandri-ndreptu la-ndreapta shi buna plata cari-a lui shi-a taifaldei a lui la asigurare existentsii cari corespundi la namuzea umineasca shi cari, fu ca va s-lipseasca, va s-hiba completata cu altsa paradz di apurarea sotsiala.
4. Cafu un ari-ndreptu s-fondeadzandri shi s-intra tu sindicat ti-apurea-a interesilor a lui.

## Articulul 24

Cafu un ari-ndreptu la discurmari shi njirari, inclusiv shi limitarea cu chifiri-a oaraldei ti lu shi advili perioditsi cu plata.

## Articulul 25

1. Cafu un ari-ndreptu la un standard ti banatic cari li-asigura shi ghinistari, a lui shi-a taifaldei a lui, inclusiv hanearea, anvishtearea, casa, shi matrita-a iaturlui shi slujba sotsiala tsi-i lipsita, ma shi-ndreptul la asigurari tu caz di armaneari fara lu, langoari, niputeari, anvidueari, ausheatic shi altili cazuri di chireari-a paradzor ti existentsii di tsircumstantsili independenti di vrearea-a lui.
2. Dadili shi ficiorli au andreptul di una matrita spetsiala shi agiutor. Tuts ficiorli, fapsa tu caruna ica nafoara di ea s-harsescu di idvea apurari sotsiala.

## Articulul 26

1. Cafu un ari-ndreptul la-nvitsatura. Anvitsarea lipseashti s-hiba fara plateari, canai tu sculiili primari shi di calificari. Sculia primara easti obligatorii. Educatsia tehnica shi di calificari lipseashti s-hiba actsesibila ti tuts una turlii pi baza di atsea cum suntu cadari.
2. Anvitsarea lipseashti s-hiba andreapta ti-implina developari-a personalitatildei a omlui shi-nvartushearea-a tinjisearildei a-ndrepturilor a omlui shi libertatsli fundamentali. Atsea lipseashti s-li aguta acachisearea, aravdarea shi uspitsaljea anamisa di tuti miletsli, grupatsii di rasa shi pisti, ma shi activitatea-a Natsiunilor Uniti shi vigljearea-a irinjiljei.
3. Parintsali lu-au andreptul cu prioritati ca s-la u-aleaga sculia-a ficiorlor a lor.

## Articulul 27

1. Cafu un ari-ndreptu liber s-ljea parti tu bana culturala-a comunitatildei, sh-si harseasca pi arta shi s-ljea parti la developarea di shtiintsas shi la hareea tsi vini di-aclotsi.
2. Cafu un ari-ndreptu la apurarea-a interesilor morali shi materiali cari es dit cafu una creatsii di shtiintsas, literara ica artistica-a curi creator easti el.

## Articulul 28

Cafi un ari-ndreptu la progres sotsial shi internatsional tu cari ândrepturli spusi tu aestâ Declaratsii pot ta s-hibâ realizati complet.

#### Articulul 29

1. Cafi un ari obligatsiili-a lui fatsâ di comunitatea cari mash ea lji-asigurâ năintari liberâ shi completâ-a personalitatiljei a lui.
2. La realizarea-a-ndrepturor shi-a libertâtslor a lui cafi un poati s-hibâ supus mash la atseali limitâri cari suntu prividzuti cu nomlu cu scupolu câ s-asigurâ pricânushtearea lipsitâ shi tinjisearea-a-ndrepturor shi-a libertâtslor a alântor shi cu scoplu ti satisfatsirea-a ândreaptilor câftâri-a moralui, sistemlu public shi ghinistarea publicâ tu sotsietatea democraticâ.
3. Aesti-ndrepturi shi libertâts di canâ turlii nu pot sâ si realizeadzâ contra-a scopuror shi-a printsiipiilor a Natsiunilor Uniti.

#### Articulul 30

Nitsi unâ determinari dit aestâ Declaratsii nu poati s-hibâ tulmăcitâ ca-ndreptul ti cafi un stat, grupâ icâ insu ta s-u facâ cari tsi s-hibâ activitati icâ s-facâ catsi s-va s-hibâ lucru shutsâtâ la câlcarea-a-ndrepturor shi-a libertâtslor cari suntu bâgati tu ea.

---